

A ARTE DA INQUEDANZA

Adeus, Arturo

Maruxa colleume do brazo e preguntou-me por que fa a xente tan rápido. Mirei ao redor e non notei un ritmo diferente na vida de Ourense. Paramos no semáforo e de súpito miña nai dixo: «tanto cambiou a vida para que teñan que andar todos a correr?»

Creo que nunca nos coñecemos en persoas, pero sinto a súa perda coma se fose un amigo. O seu mundo interior, cheo de matices e de historias invisibles, forma parte da historia de Ourense, e este ano celébranse cincuenta anos da súa obra máis popular e fascinante: o Belén de Baltar.

Levo indo velo dende pequena, sempre con miña nai, e sempre paramos alí, na praza de San Cosme, máis de dúas horas. É imposible describir nesta pequena columna a cantidad de vida que unha pode atopar visitando o seu espazo no casco histórico de Ourense. Escenas da vida cotiá e non tan cotiá: dende muleres pelando patacas até a botica, a taberna ou o café cantante. Escenas relixiosas e profanas. Unha descripción da vida en barro, cargada de emoción pura, cargada de historias.

Arturo Baltar non chegou ao Nadal este ano. Morreu esta semana e coa súa morte perdemos un artista xenuíño, dos de antes. Un artista que atopou unha lingua única para contar as historias que forman parte do noso xeito de ser. Historias de mortaría e de melancolia, tinxidas de humor e amor.

Nunca entenderei que é o que fai que uns artistas transcedan e outros non. Pero afinda que Arturo Baltar xa non está, a súa obra perdurará e o seu universo de cousas miúdas pasará á historia como un incrivel retrato sociolóxico, en barro, do meu querido Ourense. Isto si, do Ourense pausado do pasado, no que por moito que unha correra non fa chegar máis lonxe...

A
Real Asociación
Amigos Museo
Reina Sofía

Muy de cerca | Xan Rodríguez Silvar Presidente da Sociedade Galega de Historia Natural

«Galicia non está no bo camiño»

JORGE CASANOVA

Algunos mestres son toda a vida dentro e fóra das aulas. Xan Rodríguez Silvar (Ferrol, 1953) é o tipo que todos quereríamos ter diante naqueles tempos de pupitre e encerado, ou tableteta, que tanto ten. O que conta é o mestre. Pero cuidado, Xan é más couses: entre elas, gaiteiro, presidente e cofundador da Sociedade Galega de Historia Natural (SGHN) e un dos más reputados ornitólogos do país. Falamos nunha ruidosa cafetería da súa cidade onde conseguio poñer a conversa por riba do barullo sen ter que levantar moi a voz.

—Xubilado xa.

—Non pensaba, pero pasou. Chegaron os sesenta tacos e ademais estaba de dire no instituto; é dicir, nun fregado potente. Pero pensei que podía vivir co que gañaba e que fisicamente ainda estaba ben, así que decidí dar o paso.

—E que tal lle vai?

—Moi ocupado porque neste tempo o meu fillo decidiu ter un par de netos e pasei a integrar a sección desta de auxiliador de conciliación familiar, ha, ha. Tamén retomei a SGHN; volvián á faena.

—Bota de menos o ensino?

—Como deporte sí, ha, ha. Encántame a adolescencia.

—Pois debe ser o único.

—Si. É como se me pregunta se me gustaría ser gaiteiro profesional, diría que prefiero ser amateur e tocar cando me dá a gana. Con respecto á docencia descubrí que me gustaba transmitir. Non é que estea desesperado por dar clase, pero cando teño

ocasión e me convidan a participar en algunas xornadas, si me gusta. O que non bota de menos é madrugar, a burocracia...

—A cantes alumnos botou da clase?

—En 35 anos non pasan de dúas expulsions. Ou tres.

—Seguro que se acorda delas.

—Si. É seguro que os expulsados tamén.

—E a vostede, expulsárono al-

gunha vez?

—Hummm. Tanto como expulsión, non. En realidade fun un mal estudiante, pero iso axudoume a ser un profesor pasable.

Souben o que era estudar en verán. Ter esa óptica do mal alumno deume unha visión cómplice á hora de tratar con alumnos con problemas.

—Falaba antes da SGHN. Forman vostedes un colectivo mol serio nun ambiente de moito ruído.

—Hai 43 anos que fundamos a Sociedade con tres obxectivos:

coñecer, divulgar e conservar. Quixemos falar pouco pero facer argumentación difícilmente refutables e manter independencia.

—E como está Galicia?

—Galicia está mal ou non está no bo camiño para nada. Temos un problema de falta de política ambiental e económica e o cambio climático colllenos co pé cambiando e fatal dende o punto de vista demográfico.

—Como ornitólogo dígame o nome do peor «paxaro» de Galicia. E teña en conta as aspas.

—Pois eu diría que non é un nome en concreto senón un prototipo: o político

autonómico con capacida-

dade de decisión pero que

non actúa. É unha especie moi nociva e xa me tocou observar

as desfeitas causadas por de-

cisións non tomadas.

—Ten un invitado que nun-

ca estivo en Galicia e só dispón dunhas

horas. Onde o leva?

—Por proximidade iría ao cabo Prior, Ortigueira, ás fragas do Euvea e ás do Belelle.

—Defínase en catro palabras.

—Curioso, xeneroso (gústame compartir), xusto (descolocáme a inxustiza) e vividor, no bo sentido.

—E faga agora ese exercicio con Galicia.

—Sabia, xenerosa, dura e magnética, por atraente.

—Falemos de cousas serias, gústalle o fútbol?

—Non. Véxoo se cadría co meu fillo menor, que lle gusta e é do Real Madrid. Unha vez fomos

ver o Madrid contra o Osten-

de. Aínda estaba a Quinta do

Buile, Perdeu deshonrosamente o Madrid e o meu fi-

llo, que tiña dez anos, viu á xente que acabou aplaudindo ao Oeste, pero tamén puido ver aos Ultras Sur. Creo que foi un antídoto antiultra.

—De que se arrepinte?

—De bastantes cousas, porque intentei facer bastantes cousas, aínda que non me arrepinto de telo intentado.

—Como é para vostede un día perfecto?

—Un día onde poida dar un paseo por algún dos meus sitios preferidos, onde podo facer algo con alguno dos temas que me gustan, a música, o medio ambiente..., un día no que podo ver os meus netos e, se acabo con lo-
ga, pois de cine.

—Ioga?

—Enredoume o meu fillo menor.

—Ese fillo leva por todas partes.

—Si. Tamén me invitou a Londres a ver un concerto de jazz. Mercou as entradas, pero o resto da fin de semana pagueina eu, ha, ha.

—Ellxa unha canción.

—Summertime. En versión de Tete Montoliu.

—O más importante na vida?

—Saber vivila.



ILUSTRACIÓN PINTO & CHINTO

GRACIAS A todos nuestros socios.

Por su generosa colaboración con la que podemos apoyar al Museo a través de donación de obras de arte y otras acciones.

Tú también puedes colaborar y disfrutar de las ventajas de ser socio.

www.amigospumuseoreinasofia.org
c/ Santa Isabel, 52 • 28012 • Tel.: 915 304 287
asociacion@amigospumuseoreinasofia.org